

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 1116 del 10/05/2025

Manà fora su Trentino Tv l program l vegn endrezà dal Comun General de Fascia

“Pedies”: per en sabeda ai 10 de mé vegn fora la puntata #485 del program ladin per la televijion

Ence chesta setemèna l é a la leta l nef apuntament de “Pedies”, rotocalch ladin de informazion, ruà a la puntata n. 485.

I argomenc de chesta setemèna. Ai 4 de mé la comunanza de Fascia la é jita a litèr per i comuns e per l Comun General de Fascia; porton dant i ejic anter neves e confermes.

Defat ti paijes de Cianacei, Mazin, Sèn Jan, Soraga e Moena l é stat confermà i medemi ombolc, a Ciampedel l nef ombolt l é Alessandro Bernard, jà vize, e per l Comun General de Fascia l nef Procurador l é Edoardo Felicetti.

Ai 5 de mé l'é la dì de la bandiera ladina, la bandiera dai 3 colores. Per recordèr chest dì dassen emportant per duc i ladins de la Dolomites, l enrescidor de storia locale Cesare Bernard ne porta dant n aprofondiment su la storia de la bandiera ladina.

Te la rubrica “Svampol ciatarul, jent che fèsc jerveèr sie cunst” se porta dant Giampaolo Crepaz da Soraga, carozier che na outa jit en penscion l à dezedù de se endrezèr na berstot olache l laora col legn, ajache l à n gran gust per l zipièr e l lurier da tisler.

I report de chesta setemèna, enjigné da Riccardo Zanoner, Sabrina Riz e Angela Pederiva, i vegn porté dant co la ousc de Angela Pederiva.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Südtirol, “Pedies” l va fora su Trentino Tv – canal 10 de TN- vigni sabeda da les 18.00 (sie da sera), de domenia da les 13.30 (mesa la does domesdi) e de lunesc da les 11.30 (mesa les doudesc).

L program ades l va fora ence sun AltoAdige TV – canal 11 de BZ - vigni domenia da les 18.00 (sie da sera).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

opuramenter se pel veder i servijes un a un su la piata Facebook de TV Ladina

<https://www.facebook.com/TelevijionLadina>

Traduzion di Servijes Linguistics e Culturèi del Comun general de Fascia

(cdt)